

藝術典第一百六十五卷

醫部彙考一百四十五

目門八 方二

銅青湯

準繩下同

治風弦赤眼

銅青豆大

防風寸許

杏仁二粒去尖不去皮

右各細切於盞中新汲水浸湯瓶上頓令極熱

洗之如痛加當歸數片

拜堂散

治風赤眼

五倍子不拘多少

右研極細末貼破赤處

熏洗方

治風眼爛弦臨洗加輕粉少許凡時氣赤眼自外而入非臟腑病者不必服藥熏洗足矣

川黃連去毛

川芎去蘆

荆芥穗各一錢半

蔓荊子一錢去膜

五倍子三錢翦碎去垢銚內

火炒待赤色鋪紙地上用蓋片時出火氣

右剉碎作三服每服用生絹一小方洗淨入藥絹內以

線紮定水煎仍以紙糊瓶口勿令氣出却於無風處就瓶口紙上破小孔向眼熏之候氣稍平揭

去紙就瓶口熏之氣溫傾藥水出用淨絹蘸洗如此三次爲驗仍避風毒

嗜鼻藥 治目風熱腫赤難開

雄黃 辰砂各二錢半 片腦 麝香各少許 細莘半兩 右爲細末口含水少許嗜鼻中

宣明丸 治眼內血貫瞳神赤腫澀痛大熱上壅

赤芍藥 當歸 黃連 生地黃 大黃 川芎 薄荷 黃芩各等分 右爲末燒蜜丸梧子大

每服三十丸食後米飲下

分珠散 治眼患血灌瞳神惡血不散

槐花 白芷 地黃 梔子 荊芥 龍膽草 甘草 黃芩 當歸 赤芍藥各一錢 右水煎

服春加大黃瀉肝夏加黃連瀉心秋加桑白皮瀉肺

麥門冬湯 治血灌瞳神昏澀疼痛及轆轤轉關外障

麥門冬去心焙 大黃酒炒 黃芩 桔梗剉炒 元參各一兩 細莘去苗 芒硝研各半兩

右剉碎每服五錢匕水一盞半煎至七分去滓下芒硝少許食後溫服

通血丸 治血灌瞳神

生地黃 赤芍藥 甘草各五錢 川芎 防風 荆芥 當歸各一兩 右爲末煉蜜丸如彈子
大食後荆芥薄荷湯嚼下血既散而歸肝又恐目生花須再用前還睛散服之

膽歸糖煎散 治血灌瞳神及暴赤目疼痛或生瞖膜

龍膽草 細辛 當歸 防風各二兩 右用沙糖一小塊同煎服

車前散 治肝經積熱上攻眼目逆順生瞖血灌瞳神羞明多淚

車前子炒 薔蒙花去枝 草決明 菊花去枝 白蒺藜炒去刺 龍膽草洗淨 黃芩 羌活
粉草各等分 右爲細末每服二錢食後米湯調服

真珠散 治眼血灌瞳神生障膜

硃砂一兩 龍腦一分 真珠 水晶 琥珀 馬牙硝各半兩 右同研如粉以銅筋取如半小

豆大點之

退血散 治前證

當歸 赤芍藥 木賊 防風 細辛 龍膽草各等分 咬咀白水煎先乘熱熏眼後溫服

點睛麤仁膏 治風熱眼飛血赤脉癢痛無定

麤仁去皮細研半兩 好酥一栗子大 右將麤仁與酥和研勻攤碗內用艾一小團燒烟出將碗

覆烟上熏待艾烟盡卽止重研勻每以麻子大點兩眥頭日二度

魚膽傅眼膏 治飛血赤脉作痛及暴赤眼澀

鯉魚膽五枚 黃連去鬚研末半兩 右以膽汁調黃連末內磁盒盛飯上蒸一次取出如乾入蜜

少許調似膏塗傅目眥日五七度

金絲膏 治風熱上攻目赤腫痛

黃連二兩 大黃 黃蘗 龍膽草 山梔仁 當歸各一兩 青竹葉一百片切 大棗二十枚

去核 燈心切 硼砂明者 乳香研各二錢五分 右用水五升不拘冬夏浸一時辰取出於銀

石器內慢火熬不令大沸候盡汁掇下火放冷用絹絞取汁於無風塵處澄一時辰去滓於銀器

內用慢火熬令減半入白蜜半斤同攪以手挑起有絲則止放冷再以夾絹袋濾過用磁盒盛之

每取一茶腳許研龍腦一字極細入膏同研一二千遍令勻取少許點之

琥珀煎 治風毒衝目腫赤癢痛

乳香另研二錢 麝仁另研半兩 滑石另研 鉛丹另研各二兩 黃連另研 青皮各一兩

黃芩去黑心 白蜜各四兩 木鼈子十枚去殼 槐枝 柳枝並用新青者各十枝每枝長寸半

右將槐柳枝青皮黃芩滑石以水三碗同煎至兩碗去滓下乳香麝仁鉛丹木鼈子與蜜同熬如琥珀色却下黃連末再煎至一碗半用熟絹濾去渣入磁器內密封繩繫墜井底一宿出火毒每用銅筋點以目澀爲度熬點俱忌鐵器

瀉肝散 治前證

升麻 大黃 赤芍藥 黃芩 薄荷 梔子 木賊 陳皮 黃連 砂硝 菊花 五靈脂

甘草 防風 葶藶 細莘各等分 右爲細末每服二錢爲散亦可水煎服食後老人加枳殼厚

朴

救睛丸 治睛腫旋螺突出青盲有翳

蒼朮 枳實 甘草生 川芎 荆芥穗 蟬蛻 薄荷 當歸 木賊 草決明 穀精草等各
分 右爲末煉蜜丸彈子大每服一丸食後茶清磨下

搜風散 治旋螺尖起外障

防風 大黃 天門冬 五味子 桔梗 細辛 赤芍藥 羌蔚子各等分 右水煎食後服

法製黑豆 治前證

大黃 黃連 黃芩各半兩 甘草 薔蒙花 砂硝各一兩 右爲末用黑豆一升水三椀入藥
煮乾將豆每服二十粒細嚼清米泔送下

還睛丸 治前證

川芎 白蒺藜 白朮 木賊 羌活 菟絲子 熟地黃 甘草各等分 右爲細末煉蜜丸如
彈子大空心熟湯嚙下

糖煎散 治風毒攻眼赤腫昏花隱澀難開

龍膽草 防己 大黃 荆芥穗 甘草 防風 赤芍藥 土當歸各一兩 川芎半兩 右咬

咀爲散每服四錢水一盞沙糖一小塊同煎服

田螺膏 治眼睛腫脹突出及赤眼生翳膜

大田螺七枚去殼 撮地金錢多 生地黃根 田茶菊葉 右同搗爛貼太陽穴及眼胞上然此

方不可輕用慎之

洗障散 治障眼及眼胞赤腫翳膜遮睛

田茶菊 七層樓 鐵梗子 雞屎子 右水煎碗盛入鹽少許泡去查洗眼

洗翳散 治同上

赤梗酸枇草 右搗爛沸湯泡濾清洗眼神效

土硃膏 治患眼赤腫閉合

土硃三分 石膏煨一分 片腦少許 右爲末新汲水入蜜調敷眼眥頭尾及太陽處更以梔子

煎湯調流氣飲服之

清涼膏 治暴赤火眼腫痛難開及障眼并打撲傷損眼

大黃 礞石 黃連 黃蘗 赤芍藥 當歸 細辛 薄荷 芙蓉葉各等分 右爲末用生地黃汁雞子清蜜同調勻貼太陽穴及眼泡上

地黃膏 治赤腫疼痛外障等眼

大黃 黃蘗 黃連 黃芩 赤芍藥 當歸 菴豆粉 芙蓉葉 薄荷各等分 右製貼法俱同上

驅風一字散 治目癢極難忍

川烏炮 川芎 荆芥各五錢 羌活 防風各二錢半 右爲末每服二錢食後薄荷湯調下

人參羌活散 治肝熱眼澀癢昏矇

羌活 獨活 人參 川芎 柴胡 地骨皮 桔梗 枳殼 赤茯苓 前胡 天麻 甘草

右水煎服或加防風荆芥

普薩散 治風毒攻眼昏淚癢

蒼朮 防風 蒺藜炒各二兩 荆芥二兩半 甘草鹽水炒七錢半 右末每服一錢入鹽少許

沸湯調下或用消風散夾和亦佳

黃芩黃連湯 治內障

黃芩酒洗炒 生地黃酒洗 草龍膽酒洗炒四次各一兩 黃連去鬚酒洗炒七錢 右咬咀每服二錢水二盞煎數沸去滓再煎至一盞熱服午後晚間俱不可服唯午飯時服之方效

復明散 治內障

黃芪一錢半 生地黃 柴胡 連翹 甘草炙各一錢 當歸二錢 蒼朮 川芎 陳皮各五分 黃蘗三分 水二大盞煎至一盞去查稍熱服食後忌酒濕麪辛熱大料之物

羌活退翳丸 治內障右眼小眦青白眦大眦微顯白眦腦痛瞳子散大上熱惡熱大便澀或時難小便如常遇天熱煖處頭痛睛脹能食日沒後天陰則昏暗此證亦可服滋陰地黃丸

熟地八錢 生地酒製 黃蘗酒製 茺蔚子 當歸身酒製 丹參各半兩 柴胡半兩或三錢 黑附子炮 寒水石生用各一錢 牡丹皮三錢 芍藥一兩三錢 防己酒製二錢 知母酒製羌活 川芎各三錢 右爲細末煉蜜丸如小豆大每服五七十丸空心白湯送下如宿食未盡候

饑時服之忌語言隨後以食壓之東垣蘭室祕藏方云腎在大眚加葛根升麻腎在小眚加柴胡羌活是也一名地黃丸

羚羊角湯 治青風內障勞倦加昏重頭旋腦痛眼內痛澀者

羚羊角 人參 元參 地骨皮 羌活各一兩 車前子一兩半 右爲末以水一盞散一錢煎

至五分食後去滓溫服棗全善云此方并後羚羊角散補肝散羚羊角飲子皆以羚羊角元參細莘羌活防風車前子爲君蓋羚羊角行厥陰經藥也丹溪云羚羊角入厥陰經甚捷是也元參細莘行少陰經藥也海藏云元參治空中氤氲之氣無根之火爲聖藥也羌活防風車前子行太陽經藥也如筋脈枯澀者諸方中更加夏枯草能散結氣有補養厥陰血脈之功嘗試之有驗然此諸方又當悟邪之所在若氣脫者必與參膏相半服之氣虛者必與東垣補腎人參湯益氣聰明湯之類相半服之血虛者必與熟地黃丸之類相兼服之更能內觀靜守不干塵累使陰氣平伏方許作效

杏仁方 治肝腎風虛瞳人帶青眼多黑暗潤澤臟腑洗垢開光能驅風明目

杏仁五枚去皮尖 右於五更初就牀端坐勿言勿呼息慮澄神嚼杏仁一粒勿嚥逐一細嚼五粒候津液滿口分爲三嚥直入肝腎惟在久而成功

羚羊角散 治綠風內障頭旋目痛眼內痛澀者

羚羊角 防風 知母 人參 茯苓 元參 黃芩 桔梗 車前子各一兩 細莘三兩 右爲末以水一盞散一錢煎五分食後去粗溫服

羚羊角散 治綠風內障

細莘二錢 白菊花 川烏炮 川芎 車前子 防風各五錢 羌活 半夏 羚羊角 薄荷各二錢半 右生薑煎服或爲末荆芥湯調服

還睛散 治眼瞖膜昏澀淚出瘀血努肉攀睛

野菊花 野麻子 川芎 草龍膽 草決明 石決明 荆芥 枳實 茯苓 木賊 炙甘草

白蒺藜 川椒炒去子 仙靈脾 茵陳各半兩 右爲細末每服二錢食後茶清調下日三服忌

雜魚肉及熱麪蕎麥等物一方有楮實子無仙靈脾茵陳枳實三味

蘆薈丸 治黑水凝腎內障不痛不癢微有頭旋目澀者

蘆薈 甘草各二錢半 人參 牛膽各半兩 柏子仁 細辛各一兩 麝羊角二兩蜜炙 右

爲末煉蜜丸如桐子大空心茶清下十丸

大黃瀉肝散 治烏風

榔李仁 荆芥各二錢半 甘草 大黃各五錢 右水煎食後服

墜腎丸 治偃月內障及微有頭旋額痛

青羊膽 青魚膽 鯉魚膽各七個 牛膽半兩 熊膽二錢半 石決明一兩 麝香少許 右

爲細末麪糊爲丸如桐子大每服十丸空心茶清下

磁石丸 治頭風內障頭旋惡心嘔吐

磁石燒赤酢淬二次 五味子 牡丹皮 乾薑 元參各一兩 附子炮半兩 右爲末煉蜜丸

如桐子大食前茶下十丸

補肝散 治肝風內障不痛不癢眼見花發黃白黑赤或一物二形難辨

麝羊角 防風各三兩 人參 白茯苓各二兩 細莘 元參 車前子 黃芩炒 羌活各一兩 右爲末食後米飲調服一錢

補肝散 治圓腎內障

熟地黃 白茯苓 白菊花 細莘 白芍藥 柏子仁 甘草 防風 柴胡 右水煎食後服

補腎丸 治圓腎內障

巴戟 山藥 破故紙炒 丹皮 茴香各五錢 肉蓯蓉 枸杞子各一兩 青鹽二錢半 右

爲末煉蜜爲丸如梧桐子大每服三十丸空心鹽湯下

生熟地黃丸

和劑

治肝虛目暗膜入水輪眼見黑花如豆累累數十或見如飛蟲者治不癢或視物

不明混睛冷淚醫膜遮睛內外障眼並皆治之

釵石斛 枳殼 防風 牛膝各六兩 生地黃 熟地黃 羌活 杏仁各四兩 菊花一斤

右爲末煉蜜丸如桐子大每服三十丸以黑豆三升炒令烟盡爲度淬好酒六升每用半盞食前送下或痰藜湯下

通肝散 治冰響內障

梔子 蒺藜炒 枳殼 荊芥各四錢 車前子 牛蒡子炒各二錢 甘草四錢 右爲末每服二錢苦竹葉湯食後調下

八味還睛散 治散響內障

蒺藜炒 防風 甘草炙 木賊 梔子各四錢 草決明八錢 青葙子炒 蟬蛻各二錢 右末每服二錢麥門冬湯調食後服

空青丸 治沉響細看方見其病最深

空青一錢

一本用一銖

細辛 五味子 石決明研 車前子各一兩 知母 生地黃 防風各二

兩 右爲細末煉蜜丸如桐子大每服十丸空心茶湯下

涼膽丸 治眼狀青色大小皆頭澀痛頻頻下淚口苦少飲食兼治黑花翳

黃連洗不見火 黃芩 荊芥 龍膽草各半兩 蘆薈 防風各一兩 黃蘗 地膚子各二錢 半 右爲細末煉蜜和丸如梧子大每服二十丸食後薄荷湯送下

又方 治內障

川烏 地黃 白朮 茯苓 石決明 杏仁 川芎 菟絲子各三兩 當歸 防風 荊芥 蔓荊子各半兩 右爲末猪膽汁和丸如梧子大每服三十丸麥門冬湯下

除風湯 治五風變成內障頭旋偏腫痛瞳人結白者

羚羊角 車前子 芍藥 人參 茯苓 大黃 黃芩 芒硝各一兩 右爲末水一盞散一錢煎至五分食後去滓溫服

本事方 治內障

白羯羊肝只用子肝一片薄切新瓦上焙 熟地黃兩半 菟絲子 麩仁 澤瀉 防風 車前子 麥門冬 地膚子去殼 黃芩 細辛 白茯苓 五味子 杏仁炒 桂心炒 枸杞子

羌蔚子 苦葶藶 青葙子各一兩 右爲細末煉蜜丸如桐子大每服三四丸溫湯下日三服

不拘時候張臺卿嘗苦目暗京師醫者令炙肝俞遂轉不見物因得此方眼目遂明一男子內障醫治無效因以餘劑遺之一夕燈下語其家曰適偶有所見如隔門縫見火者及旦視之眼中醫

膜俱裂如線張云此藥靈勿妄與人忽之則無驗予益信之且欲廣其傳也

羅漢應夢丸 治內障及因病赤眼食鹹物而得者

夜明沙淨 當歸 蟬蛻洗 木賊去節各等分 右爲末用羯羊子肝四兩水煮爛搗如泥入前

藥末搗和丸如桐子大每服五十丸食後熟水下百日眼如故

神仙碧霞丹 治內障

當歸 沒藥各二錢 血竭 白丁香 硼砂 片腦 麝香各一錢 馬牙硝 乳香各半錢

黃連三錢 銅綠一兩半爲衣 右爲細末熬黃連膏和丸如雞頭實大每用新汲水半盞於磁盆

內浸常用每一丸可洗四五日大病不過一月小病半月冷淚三日見效揭

遠志丸 清心明目益肝退腎

遠志水浸去心曬乾薑汁蘸焙 白蒺藜炒去刺 車前子 細辛各七錢半 全蠍五枚 羌蔚

子 熟地黃洗焙 茯神去木 川芎 人參 琥珀 蘆薈研 生地 蔓荊子各半兩 蟬蛻

一兩洗焙 右爲細末煉蜜爲丸如梧子大每服五十丸空心用米飲臨睡用菖蒲湯下